



CONCELLO DE BOQUEIXÓN
Forte s/n
15881 Boqueixón (A Coruña)

Teléfono: 981- 51 30 52
Fax: 981- 51 30 00
correo@boqueixon.dicoruna.es
C.I.F.: P-1501200-H

Servizo de Contratación

Expediente: Contratación do servizo de prevención e defensa contra incendios forestais mediante a actuación de dúas brigadas para o desenvolvemento de labores de vixilancia, defensa e labores de prevención.

Importe: 65.786,78 euros

Procedemento/ Forma: Negociado sen publicidade – Urgente

RESOLUCIÓN DA ALCALDÍA

Inicio da contratación do servizo de prevención e defensa contra incendios forestais mediante a actuación de dúas brigadas

A Consellería de Medio Rural, asinou co Concello de Boqueixón un convenio de colaboración para a participación na prevención e defensa contra incendios forestais durante os anos 2016, 2017 e 2018, cuxo obxecto é o desenvolvemento de tratamentos preventivos de xeito mecanizado e traballos de prevención das brigadas de xeito manual.

Segundo o convenio a realización destas accións, ben pode ser con medios propios coma con medios que contrate a propia administración, salvo a acción de actuación dos vehículos motobomba que se realizará mediante medios propios.

No caso deste concello, concedeuse a axuda mediante convenio, de 54.369,24 euros (sen IVE) para a contratación de 2 brigadas de 5 operarios cada unha, para o desenvolvemento de labores de vixilancia e defensa e para a realización de até un máximo de 10,03 hectáreas/brigada de traballos de prevención mediante o control do combustible de forma manual. No caso do IVE, non se subvenciona ó tratarse de fondos FEADER, polo tanto deberá ser soportado pola administración.

A contía do correspondente IVE (21%) é de 11.417,54 euros que será aboado con cargo á partida presupostaria que se xerará para o efecto.

A execución dos traballos terá un prazo de tres meses.

Consta o informe xurídico emitido por secretaría intervención con data 11 de xullo de 2016.

Debido a que o comezo dos traballos debe realizarse entre os días 1 e 31 de xullo, urxe a contratación do servizo, polo tanto iniciárase de urxencia un procedemento negociado sen publicidade. Por este mesmo motivo e tendo en conta que esta alcaldía delegou contratación na xunta de goberno, avocase o coñecemento e contratación deste servizo

Polo tanto, Resolvo:

PRIMEIRO.- Declarar a urxencia da contratación debido a que o comezo dos traballos debe realizarse entre os días 1 e 31 de xullo.

SEGUNDO.- Iniciar os trámites necesarios para a contratación das obras polo **procedemento negociado sin publicidade e por urxencia.**

TERCEIRO.- Aprobar o prego de prescricións que rexen a contratación do servizo e que a continuación se transcriben literalmente:

PREGO DE PRESCRIPCIÓNS ADMINISTRATIVAS QUE RIXEN A CONTRATACIÓN DO SERVIZO DE PREVENCIÓN E DEFENSA CONTRA INCENDIOS FORESTAIS MEDIANTE A ACTUACIÓN DE DÚAS BRIGADAS DE VIXILANCIA, DEFENSA E TRABALLOS DE PREVENCIÓN

Cláusula 1 -Obxecto do contrato

A contratación de 2 brigadas para o desenvolvemento de labores de vixilancia e defensa e para a realización de até un máximo de 10,03 hectáreas/brigada de traballos de prevención mediante o control do combustible de forma manual.

Cada brigada estará composta por:

a/ Un xefe de brigada en posesión do carné de condutor B, e dalgunha das seguintes titulacións:

- Enxeñeiro de montes
- Enxeñeiro técnico forestal
- Técnico superior en xestión e organización de recursos naturais e paisaxísticos
- Técnico en traballos forestais e conservación do medio natural ou formación equivalente

b/ Un peón condutor que terá o carné de conducir B.

c/ Tres peóns de brigada

O servizo debe cumprir o estipulado no convenio de colaboración asinado entre o Concello de Boqueixón e a Consellería de Medio Rural. Para todo o non disposto neste prego, estarase ó contido do convenio e ás instrucións que na execución do contrato estimen os servizos do Concello de Boqueixón.

Cláusula 2 -Procedemento de selección e adxudicación

A forma de adxudicación será o procedemento negociado sen publicidade, polo que o contrato recaerá no licitador xustificadamente elixido polo órgano de contratación.

Cláusula 3- Importe do contrato

O orzamento base de licitación deste contrato ascende á contía de 54.369,24 euros , ós que se lle engadirá a cantidade correspondente ó IVE (11.417,54 euros)

, o que supón un total de 65.786,78 euros.

Cláusula 4- Duración do contrato

A duración do contrato de servizo será de 3 meses desde o comezo dos traballos que se ten que levar a cabo antes do día 31 de xullo.

Cláusula 5 -Capacidade para contratar

Poderán concorrer por si ou por medio de representantes as persoas naturais ou xurídicas, españolas ou estranxeiras, que tendo plena capacidade de obrar non estean comprendidas nalgunha das circunstancias que enumera o artigo 54 e 60 do TRLCSP, e acrediten a súa solvencia económica, financeira e técnica.

A capacidade de obrar do empresario acreditarase do seguinte xeito:

Empresario individual: Fotocopia do NIF, pasaporte ou documento que o substitúa.

Persoas xurídicas: escritura de constitución ou modificación no seu caso, inscrita no Rexistro Mercantil, cando este requisito fose esixible conforme a lexislación mercantil que lle sexa aplicable.

Se non o for: Escritura ou documento de constitución, de modificación, estatutos ou acto fundacional, no que consten as normas polas que se regula a súa actividade, inscritos, no seu caso no correspondente Rexistro Oficial.

- Fotocopia da tarxeta de código de identificación fiscal (CIF), debidamente compulsada.

Cláusula 6 -Acreditación da solvencia económica e financeira e solvencia técnica

No caso de que a empresa estea inscrita no Rexistro Oficial de Licitadores e Empresas Clasificadas das Administracións Públicas, será suficiente a súa xustificación para acreditar as condicións de solvencia económica e financeira.

No caso de que non estea inscrita, a empresa deberá acreditar a solvencia económica e financeira por un dos medios especificados no art. 75 da lei de contratos do sector público

Asi mesmo, deberá acreditar a solvencia técnica por un dos medios especificados no art. 78 da lei de contratos do sector público.

Cláusula 7 -Presentación de ofertas

O prazo para a presentación das ofertas, será de oito (8) días naturais que se contarán a partir do día seguinte ó da recepción da invitación por parte da empresa. **Tamén será publicitado no perfil do contratista do concello.**

As ofertas poderán presentarse no rexistro do concello na Rúa Forte, s/n ou por calquera dos medios establecidos no art. 38.4 da Lei 30/1992, do 26 de novembro, de réxime xurídico das administracións públicas e do procedemento administrativo común.

Cando se envíen as proposicións por correo, o empresario deberá xustificar a data de imposición do envío na oficina de correos e anunciarlle ó servizo de contratación a remisión da oferta o mesmo día mediante un télex, fax ou telegrama.

A presentación dunha oferta supón a aceptación incondicional polo empresario das cláusulas deste prego.

Cláusula 8 -Documentación administrativa

As proposicións presentaranse en dous sobres pechados , asinados polos candidatos e con indicación do domicilio e correo electrónico para os efectos de notificacións, nos que se fará constar a denominación do sobre e a lenda "*Oferta para a contratación do servizo de Prevención e defensa contra incendios forestais mediante a actuación de dúas brigadas de prevención e defensa*". A denominación dos sobres é a seguinte:

Sobre A: Documentación Administrativa

Sobre B: Oferta Económica

Os documentos que se deben incluír en cada sobre deberán ser orixinais ou copias autenticadas.

Dentro de cada sobre incluíranse os seguintes documentos, así como unha relación numerada deles:

SOBRE A

DOCUMENTACIÓN ADMINISTRATIVA

A documentación que a continuación se sinala, segundo o establecido no art. 146.4 do TRLCSP, será substituída por unha DECLARACIÓN RESPONSABLE DO LICITADOR INDICANDO QUE CUMPRE COAS CONDICIÓN S ESTABLECIDAS LEGALMENTE PARA CONTRATAR COA ADMINISTRACIÓN, SEGUNDO O ANEXO I DESTE PREGO. Non obstante, sí será obrigatorio a presentación do xustificante de estar inscrito no rexistro de empresas do sector forestal de Galicia (RESFOR).

O órgano de contratación poderá solicitar, en calquera momento anterior á adxudicación do contrato, que os licitadores acheguen a documentación acreditativa do cumprimento das condicións establecidas para se adxudicatario do contrato.

No caso de que a documentación a presenten varios empresarios que formen unha unión temporal, cada un deles deberá cubrir o Anexo I, incluíndo ademais unha declaración responsable subscrita por quen afirme representar a cada unha das empresas, na que figurarán :

- Nome e circunstancias de cada un dos que a constitúen
- A participación de cada un na unión a constituír
- A asunción do compromiso de constituírse formalmente en UTE no caso de resultar adxudicatarios do contrato
- O representante ou apoderado único da unión con poderes bastantes para exercer os dereitos e cumprir as obrigas que do contrato se deriven ata a extinción do mesmo.
- Os documentos que acrediten a personalidade xurídico do empresario
- Os documentos que acrediten a representación
- Declaración responsable de non estar incurso nunha prohibición de contratadas recollidas no art. 60 do TRLCSP. Esta declaración incluírá a manifestación de estar ó día no cumprimento das obrigas tributarias e coa Seguridade Social, sen prexuízo de que a xustificación acreditativa de tal requisito deba ser presentada, antes da adxudicación, polo empresario a favor do cal se vai efectuar esta.
- Os documentos que xustifiquen o cumprimento dos requisitos de solvencia económica, financeira e técnica ou profesional.
- Un enderezo de correo electrónico para realizar as notificacións

SOBRE B

OFERTA ECONÓMICA

Presentarase de acordo co seguinte modelo:

"D. _____, con domicilio para os efectos de notificacións en _____, r/_____, núm.____, con DNI_____, en _____ representación da entidade_____, con CIF_____, xa que recibín unha invitación para a presentación de ofertas e estou informado das condicións e requisitos que se esixen para a adxudicación, por procedemento negociado, do contrato do servizo de Prevención e defensa contra incendios forestais mediante a actuación de dúas brigadas de prevención e defensa, fago constar que coñezo o prego que serve de base para o contrato e que o acepto integramente, que participo na licitación e que me comprometo a levar a cabo o obxecto do contrato polo importe de _____ euros e _____ euros correspondentes ó IVE.

Boqueixón, ____de xullo de 2016

Sinatura do candidato

Asdo. _____

Cláusula 9 -Criterios de valoración e obxecto de negociación

Para a valoración das ofertas e a determinación da que sexa máis vantaxosa economicamente, atenderase ó prezo do contrato.

Prezo

Puntuación de 0 a 5 puntos.

Outorgarase 0 puntos ás propostas que oferten o tipo de licitación, e a máxima puntuación ás propostas que oferten o menor importe, puntuando proporcionalmente as restantes proposicións.

Cláusula 10 -Condicións de Traballo e Técnicas que debe cumprir a empresa adxudicataria

1. Corresponde exclusivamente á empresa contratista a selección do persoal que, reunindo os requisitos de titulación e experiencia esixidos no convenio de colaboración subscrito entre a Consellería de Medio Rural e o Concello de Boqueixón e que integra este prego, formará parte do equipo de traballo que executará as tarefas que se reflicten no anexo I e V, e recibirá a formación especificada no anexo IV.

O persoal que integre as brigadas, dependerá tanto xuridicamente como organicamente da empresa encargada de xestionar os traballos, polo tanto, asumirá o pagamento dos salarios, a concesión de permisos e licenzas, vacacións no seu caso, substitucións, imposición de sancións, cando proceda e cantos efectos de seguridade social se deriven, en particular o aboamento de cotizacións e prestacións e cantos outros dereitos e obrigas se deriven da relación contractual.

2. Corresponderá á empresa contratista a formación sobre prevención e defensa contra os incendios forestais do persoal adscrito á execución do contrato cuxo programa de materias figura no anexo IV do convenio. Este curso será obrigatorio aínda que o persoal co que se conte, xa recibira en anos anteriores a formación.

3. A empresa realizará, previamente á contratación do persoal integrante das brigadas, un recoñecemento médico e una proba física de esforzo para garantir as súas condicións de saúde nos traballos que van a realizar.

4. Dotará, a cada membro que integra unha brigada, como mínimo co equipo obrigatorio de protección individual e ferramentas (batelumes e outras) necesarios para realizar as súas funcións. As características técnicas mínimas dos EPIs serán as marcadas polo Comité de Lucha contra Incendios Forestais (CLIF) ou polo Plan de Prevención e Defensa contra Incendios Forestais de Galicia (PLADIGA)

5. Cada brigada contará cun vehículo todoterreo que permanecerá en perfectas condicións mecánicas e de dotación, así como ó corrente en toda a documentación e obrigas administrativas segundo a lexislación vixente.

Cláusula 11- Apertura de ofertas

O servizo de contratación, calificará a documentación administrativa contida no sobre A.

Posteriormente, o órgano de contratación, abrirá os sobres B que conteñen a oferta económica.

Á vista dos datos que se presenten, o órgano propondrá un adxudicatario do contrato.

Consideraranse desproporcionadas ou temerarias, as ofertas que se atopen nos supostos previstos no art. 85 do RD 1098/2001, de 12 de outubro, polo que se aproba o Regulamento xeral da Lei de Contratos das Administracións Públicas.

Cláusula 12 - Garantía definitiva

O adxudicatario deberá constituír unha garantía do 5% do importe de adxudicación, excluído o IVE. Poderá presentarse en calquera das formas establecidas no art. 96 do TRLCSP.

Cláusula 13 – Adxudicación do contrato.

O órgano de contratación requiriralle ó licitador que presentara a oferta máis vantaxosa, que no prazo de 5 días hábiles contados desde o seguinte a aquel en que recibise o requirimento, presente:

- A documentación que figura na cláusula 8
- A documentación xustificativa de estar ó corrente das obrigas tributarias e coa Seguridade Social, de dispoñer efectivamente dos medios que se comprometése a dedicar ou adscribir á execución do contrato e de ter constituída a garantía definitiva que sexa procedente.

Unha vez recibida esta documentación, o órgano de contratación deberá adxudicar o contrato dentro dos 3 días hábiles seguintes á recepción da documentación.

A adxudicación será notificada a tódolos licitadores.

Cláusula 14 – Formalización do contrato

A formalización do contrato en documento administrativo farase dentro dos quince días hábiles seguintes á data da notificación da adxudicación.

Cláusula 15 – Prazo de garantía

O obxecto do contrato quedará suxeito a un prazo de garantía de 3 meses, contado desde a data de recepción ou conformidade do traballo. Durante este prazo, a administración poderá comprobar que o traballo realizado se axusta ás prescricións establecidas no convenio de colaboración. Unha vez transcorrido o prazo de garantía sen que se formularan reparos ós traballos executados, quedará extinguida a responsabilidade do contratista.

Cláusula 16 – Execución do contrato

O contrato executarase con suxeición ó establecido neste prego de condicións e no convenio de colaboración asinado entre a Consellería de Medio Rural e o Concello de Boqueixón, que a tódolos efectos será prego de condicións técnicas, así como as instrucións que lle dea ó contratista o órgano de contratación.

Cláusula 17 – Facturas

Admitirase a emisión de facturas mensuais polos servizos efectivamente prestados.

As facturas serán remitidas en formato electrónico a través da plataforma FACe. A tal efecto o código DIR3 asociado ó Concello de Boqueixón é L01150124 – Ayuntamiento de Boqueixón, que se corresponde tanto para o órgano xestor, como unidade tramitadora e oficina contable,

Cláusula 18 – Réxime xurídico do contrato

Este contrato ten carácter administrativo e a súa preparación, adxudicación, efectos e extinción rexeranse polo establecido neste prego; para o non previsto nel, serán de aplicación o TRLCSP (Lei de contratos do sector público) e o RXLCSP (Regulamento da lei de contratos)

Anexo I

MODELO DE DECLARACIÓN RESPONSABLE SOBRE CUMPRIMENTO DE REQUISITOS PREVIOS

DON/DONA.....
con domicilio en CP....., provisto
de D.N.I. no en nome propio ou en nome e representación de
.....

SINALA como datos do/a licitador/a os seguintes:

Nome e apelidos ou denominación social.....
NIF.....telefono
fax.....correo electrónico.....
Enderezo para notificacións.....

MANIFESTA a súa vontade de participar na licitación do contrato
de.....

SOLICITA que se considere achegada en tempo e forma a documentación que presenta
nos sobres A e B e se admita a súa participación como licitador, e

DECLARA BAIXO A SÚA RESPONSABILIDADE:

1. Que ten plena capacidade de obrar e que conta coa habilitación empresarial ou profesional que, no seu caso, e esixible para a realización da actividade ou prestación que constitúe o obxecto do contrato.

2. Que tratándose dunha persoa xurídica, as prestacións que constitúen o obxecto do contrato quedan comprendidas nos fins, obxecto ou ámbito de actividade que lles son propios, ao abeiro dos seus estatutos ou regras fundacionais.

3. Que a empresa non se atopa comprendida en ningunha das causas de prohibición para contratar enumeradas no artigo 60 do TRLCSP.

4. Que o que asina esta declaración, en caso de actuar en nome e representación de outro/a, posúe a representación deste/a.

5. Que reúne as condicións de solvencia económica e financeira e técnica e profesional esixidas no prego.

6. Que a empresa :

- Está dada de alta e ao corrente no Imposto de Actividades Económicas no epígrafe correspondente ao obxecto do contrato, ou se atopa nalgún dos supostos de exención regulados no artigo 82 do Real decreto lexislativo 2/2004, do 5 de marzo, polo que se aproba o texto refundido da Lei reguladora das facendas locais

- Se atopa ao corrente do cumprimento das obrigas tributarias coa facenda estatal e das obrigas coa Seguridade Social.

- Que non ten débedas en período executivo de pago co Concello de Boqueixón, ou que si as ten, atópanse garantidas.

7. Que a empresa, figura inscrita nalgúns dos seguintes rexistros , tendo en conta que a inscrición no RESFOR é obrigatoria:

- Rexistro de empresas do sector forestal de Galicia (RESFOR)

- Rexistro oficial de licitadores e empresas clasificadas do Estado, co nº.....

- Rexistro de Contratistas da Comunidade Autónoma de Galicia, co nº.....

- Rexistro voluntario de documentación de empresas contratistas da Deputación da Coruña, co nº.....

- Outros:.....

8. Que nos termos dos artigos 145.4 do TRLCSP e no artigo 86 do RXLCAP (marcar cun X o que proceda):

Non se atopa incursa nos supostos previstos no artigo 42.1 do Código de Comercio, por non pertencer a un grupo de empresas nin estar integrada por ningún socio no que concorra algún dos supostos alternativos establecidos no devandito artigo.

Atoparse incursa no suposto.....

(indicar este previsto no artigo 42.1 do Código de Comercio, ao pertencer ao grupo de empresas.....(ou

estar integrada por algún socio no que concorra algún dos supostos alternativos establecidos no artigo 42.1 do Código de Comercio) respecto do que forman parte as seguintes sociedades (ou nas que concorre algún dos supostos alternativos establecidos no devandito artigo en relación a algún dos seus socios):


- 1.....
- 2.....
- 3.....
- 4.....
- 5.....
- 6.....

9. Que, de tratarse dunha empresa estranxeira (comunitarias ou non comunitarias), sometese a xurisdición dos Tribunais e Xulgados españois de calquera orde, para todas as incidencias que de modo directo ou indirecto puidesen xurdir do contrato, con renuncia se e o caso, ao foro xurisdiccional estranxeiro que lle puidese corresponder ao licitante (art.146.1.d do TRLCSP).

CUARTO.- Solicitar ofertas ás seguintes empresas do sector:

- FORESGA (Forestal de Galicia, S.A)
Pablo Picasso 8, 1º Esquerda
32002 Ourense
Email: foresga @ foresga.es
- CONSULTORÍA NATUTECNIA S.L.
Secundino López, 3 - PB Puerta 5
15702 - Santiago de Compostela (A Coruña)
- TRAGSA (Transformaciones Agrarias, S.A)
Via Pasteur, 15890 Santiago de Compostela
A Coruña

Boqueixón, 12 de xullo de 2016.

O alcalde

Ovidio Rodeiro Tato